

近代中國史料叢刊第十九輯
沈雲龍主編

周中丞（少樸）撫江奏稿

周樹模撰

文海出版社印行

宣統二年九月

周中丞撫江奏稿

張建勳題籤

周中丞撫江奏稿校刻例言

黑龍江奏事約有三類一東三省會奏摺關係三省事項由三省督撫互商定稿者也
一吉江兩省會奏摺關係兩省事項由兩省巡撫互商定稿者也一本省奏摺關係本省事項由本省公署定稿者也本省奏事亦有二類一行省公署奏摺如本省應奏事項光緒三十三年改設行省由督撫聯銜具奏宣統元年二月又改爲例行之事由本省巡撫主稿會列總督後銜其關係重要及特別事件由本省巡撫主稿互商再行繕奏是也一巡撫單銜奏摺如謝恩及條陳特別事件則不會總督前後銜是也是編專載本省奏稿其東三省及吉江兩省會奏之摺不錄其有本省奏摺而由奉天主稿者亦不錄

周中丞於光緒三十四年二月奉

旨署黑龍江巡撫四月蒞江任事至宣統元年

十二月止本省奏事摺稿共二百餘首除密摺未便刊布例摺暫不錄登外是編所刻計一百四十餘首於江省兩年來設施之次第可得其大凡矣

奏稿刊本篇幅既多不能不分卷帙是編以一年爲一卷光緒三十四年奏事摺列爲卷一宣統元年奏事摺列爲卷二其一年內奏事較多者則分爲卷上卷下宣統二年以後以次遞推

奏事摺奉回

硃批向來奏稿刊本往往不能全錄至

硃批交議之件部議准

否又復無從考證是編於奉回

硃批一一恭錄其

硃批交議無論部中准駁

均擇其重要者節錄部議原摺附後以期一事原委展卷瞭然至奏事摺內聲明有另行咨部章程各件亦擇其重要者附列於後以供言邊事者之參攷焉

周中丞撫江奏稿卷一 目次

謝署黑龍江巡撫 恩并請 覲摺 光緒三十四年二月二十一日

謝加副都統銜 恩摺 三月十二日

謝 賜暑藥 恩摺 四月十六日

恭報到任日期摺 四月二十五日

江省添設道府廳縣摺 併單 五月十二日

改設巡防營務處摺 五月二十八日

行營營務處用款請銷片 同日

趙胡窩堡經歷改隸巴彥州片 同日

勤福齡片 同日

提送便單一紙撥

遊設戒煙公所摺

兵司改旗務處片 同日

建修圖書館摺 七月初四日

勻定公費遵 旨覆陳摺 同日

劉德全補巴彥州知州片 同日

委署巴彥州各缺片 同日

驛務廢弛變通整理摺 七月二十九日

種煙地畝縮短期限禁絕摺 同日

呼蘭等處站丁地畝升科片 同日

設立諮議局籌辦處摺 八月十七日

撥案另建提學司署片 同日

創辦屯墾摺 九月十五日

清丈海倫一帶浮多地畝片 同日

謝 賞綢緞 恩摺 十月二十日

嫩江水災分別賑撫摺 十一月二十四日

拜泉縣試署期滿請補實缺摺 同日

陸軍小學堂加給薪公片 同日

改鑄興隆鎮州判鈐記片 同日

辦理綏化府甘井子等處蠶桑片 同日

江省各官廉費分別扣減摺 十二月初八日

委署綏化府各缺片 同日

改糧捐爲糧稅片 同日

吸煙旗員分別休致催調片 同日

孟克西里卡兵糾潰懲辦情形片 同日

謝加級 恩摺 十二月十七日

光緒三十四年秋收分數摺 十二月二十三日

地方官交代免扣例限片 同日

沿邊荒務變通辦法摺 十二月二十四日

懇撥常年經費摺 同日


呼倫安設卡倫並設立邊疆總分各局摺 同日

倫城修署工程開銷片 同日

倫城添設文案處片 同日

黃維翰補綏化府片 同日

緩免紹貢摺 同日



謝署黑龍江巡撫 恩并請 覲摺 光緒三十四年二月二十一日

奏爲叩謝

天恩籲請

陛見恭摺仰祈

聖鑒事竊臣恭閱電鈔本月十七日奉

上諭黑龍江巡撫著周樹模署理欽此跪聆之下欽悚莫名伏念臣早列清班渥承殊遇拾遺諫署贊使輟問政之謨提學四門擢行省參知之任乏涓埃之報答每听

夕以旁皇茲復重荷

恩綸權膺疆寄撫衷循省逾分增慙查江省據長維上游之勝當環球同軌之衝改鎮爲州軼遠制諸京之寄建臺賜節邁唐邊都護之雄威懷恪之鎮安東化行

外徼裴居敬之巡山北本出京察臣願何人遽叨

寵擢自維駑鈍深懼顛虞惟有仰懇

天恩俯准微臣趨詣

闕廷面聆

訓誨庶

深宮指授上稟

宸謨

睿慮之精邊境綏安長鞏元闕天池之衛所有微臣感激下忱並籲請

陛見緣由謹恭摺叩謝


天恩伏乞

皇太后

皇上聖鑒訓示謹

奏

硃批毋庸來見欽此



謝加副都統銜 恩摺 光緒三十四年三月十二日

奏爲恭謝

天恩仰祈

聖鑒事竊於光緒三十四年三月初三日接准東三省總督咨開附奏署理黑龍江

巡撫周樹模請加副都統銜一片於二月二十九日奉到

硃批著照所請欽此欽遵知照前來當即恭設香案望

闕叩頭謝

恩訖伏念臣猥以輕庸渥承

知遇攬黃圖而參政幸覩豐沛新規值黑水之需才遽攝疆圉重寄未申涓答方切

冰兢茲復

龍命重頒崇衝再晉連牧兼監軍事唐制攸尊都護特筦邊防漢儀幸重
殊恩稱疊循省慚惶臣惟有勉竭庸愚冀酬

高厚領

聖代

龍興舊部敢忘鼓聲將帥之思振當年騎射武風勉副鎖鑰北門之寄所有微臣感激

下忱理合恭摺叩謝


天恩伏乞

皇太后

皇上聖鑒謹

奏

殊批知道了欽此



謝 賜暑藥 恩摺 光緒三十四年四月十六日

奏爲叩謝

天恩仰祈

聖鑒事竊光緒三十四年四月初九日齋到

御賜暑藥六匣當即望

闕叩頭謝

恩祇領訖伏念臣舊居侍從渴類相如新號驟姚才慚去病常朱明之布令指黑水
以驅馳而乃遠荷

聖慈

錫之珍劑

蒸風解愠普大地而得清涼暑雨無吝舉小民而濟仁壽納萬方於
在有匪一介之私榮惟有益勵精神奉宣

德意與羣吏共蠲宿痼用作籠中藥物之儲願邊氓同飲

太和永沾樾下暘人之蔭所有微臣感謝下忱謹恭摺叩謝

天恩伏乞

皇太后

皇上聖鑒再此摺係借用奉天行省印拜發合併陳明謹

奏

硃批知道了欽此

恭報到任日期摺 光緒三十四年四月二十五日

奏爲恭報微臣到任日期叩謝

天恩仰祈

聖鑒事竊臣自交卸奉天左參贊事務後於四月十九日起程二十三日行抵黑龍

江省城二十五日准署撫臣程德全飭派掌兵司關防委用道桂平署黑水廳

同知范守佑齎送黑龍江省印一顆及

王命旗牌文卷等件一併移交前來臣當卽恭設香案望

闕叩頭謝

恩任事伏念臣猥以疏愚渥承

寵任甫襄東國保釐之治旋筭北門鎖鑰之雄漢重障中立營屯於塞上唐疆戎索

置都護於邊庭類皆控制強鄰擬絕天驕之窺何況值交通時會漸輸外徼以
文明合南北幕爲一家建中書省而坐鎮百年至計宜爲生聚之謀萬里窮荒
貴有籌防之策如臣禱味深懼顛虞惟有仰稟

宸謨奉宣

威德問山川而知阨塞因時地以爲變通將江省應行各要政隨時商承督臣悉心
經理庶幾紆茲籌策冀安黑水之波瀾屹彼巖疆永固黃圖之藩衛所有微臣
到任日期并感激下忱理合恭摺具報叩謝


天恩伏乞

皇太后

皇上聖鑒謹

奏

硃批知道了欽此



江省添設道府廳縣摺 光緒三十四年五月十二日

奏爲江省幅員遼闊亟應添設民官以資治理謹將酌擬增改道府廳縣辦法繕
單具奏恭摺仰祈

聖鑒事竊查黑龍江省南障奉吉西控蒙藩外接鄰壤經緯縱橫幾及萬里

聖武龍興索倫巴爾虎鄂倫春諸部後先歸附率係打牲游牧聚處無常是以僅設駐
防未立郡縣咸豐以後呼蘭等處屢議開荒內地僑民負耒而至加以外屯密
布鄰柝相聞時勢變遷斷難墨守於是呼蘭綏化相繼設官近年又於省城及
開疆二蒙旗並原設呼綏兩廳增設府廳州縣一十三處以爲綏邊撫民之計
然合計全省地面民官所治僅及十之二三瓊瑋呼倫貝爾墨爾根布特哈四
城所屬仍無郡縣方今瓊呼商埠次第開通交涉煩重墨布兩城墾荒開礦歷

有年所黑龍江沿岸數千里皆與俄鄰彼則屯守相望我則草萊未闢以無官故無民無民則形勢隔絕土地荒蕪外啓他族侵越之謀內爲匪徒逋逃之藪是非增設郡縣充實內力別無控制之方前代如遼金元皆於江省設立路府州縣各國於荒曠之區又咸以殖民設邑爲至計世昌自三十二年查事來江卽見邊衛過於空虛非增設民官不足以言拓殖抵任以後屢與署撫臣程德全會商辦法此次復與署撫臣周樹模體察情形通盤籌畫竊以實邊至計不得不先定規模籌款維艱不得不略分次第現擬添設璦琿呼倫貝爾道員兩缺黑河臚濱佛山嫩江知府四缺璦琿呼瑪漠河呼倫室韋蘿北武興訥河布西甘南直隸廳同知十缺舒都烏雲車陸春源直隸廳通判四缺諾敏鶴岡林甸通北鐵驢知縣五缺改設龍江海倫知府二缺擬就開闢商埠之區及人

戶較多形勢扼要者先行設立此外或先派委員或暫緩設治俟地闢民聚經費有著再行陸續籌設其新設各缺所轄之區俟設治時詳審擬勘劃清界限繪具圖說再行奏明辦理謹將詳細辦法繕具清單恭呈

御覽至墨爾根呼倫貝爾琿琿副都統三缺自應按照上年原奏卽行裁撤惟呼倫貝爾琿琿兩處辦理交涉關稅事務責任較重且有兼轄屬部之責今卽改設道員應請加參領銜以資控制其擬設之黑河滿珠佛山等府缺擬查照上年原奏及吉林新設密山府奏案辦理不領副將至於設治以後應如何明定廉費酌設佐史添撥兵隊建置署所屆時續行具奏此次添設各缺皆係邊疆重要與內地情形不同非有熟悉邊情能耐勞苦之員難資得力如蒙

俞允擬由臣等慎選堪勝人員隨時奏明請

旨補授以裨地方總之江省情形實由人民過少以致百端廢弛等於石田竊查雍正年間改諸邊爲郡縣而要塞以固嘉慶年間於川陝置郡縣而亂端以平證之前史皆增東南郡縣則日臻富庶明廢諸邊郡縣則寢至危亡得失之分關繫甚鉅現擬增設江省民官事機急迫已覺後時若再遲徊更屬無從措手此臣等不敢不切實陳明者也所有的擬增設江省民官各缺繕單具奏緣由謹恭摺具陳伏乞

皇太后

皇上聖鑒訓示


飭下會議政務處核議施行謹

奏

硃批會議政務處議奏單併發欽此

謹按此摺經會議政務處議覆以就其所陳詳加覆覈尙能審量緩急以爲建置之後先斟酌古今以定地方之名稱凡所籌畫具有條理應卽請 旨飭下該督撫速卽履勘妥爲經營除原擬緩設各缺應由該督撫隨時體察情形陸續設立外其添設改設各缺應如何建置定俾置吏添兵之處詳細具奏至所稱此次添設各缺皆係邊疆重要非有熟悉邊情能耐勞苦之員難資得力擬慎選堪勝人員隨時奏明請 旨補授開辦之始自當准如所請不爲濫制並請 飭下該督撫慎選妥人一切事宜責成切實經理以收實效而固邊圉等

語於光緒三十四年七月初九日具奏奉 旨允准



謹將酌擬添設江省道府廳縣名稱駐所並分別先設緩設繕具清單恭呈

御覽

計開

瓊瑋兵備道 加參領銜駐瓊瑋擬即添設

黑河府知府 駐大河屯擬即添設

瓊瑋直隸廳同知 駐瓊瑋擬即添設

呼瑪直隸廳同知 駐西爾根卡倫擬緩設

漠河直隸廳同知 駐漠河擬緩設

以上歸瓊瑋道管

呼倫兵備道 加參領銜駐呼倫貝爾擬添設

一

十一

臚濱府知府 駐滿洲里即擬添設

呼倫直隸廳同知 駐呼倫貝爾即擬添設

室韋直隸廳同知 駐吉拉林即擬添設

舒都直隸廳通判 駐免渡河擬緩設

以上隴呼倫道管轄

佛山府 駐觀音山擬緩設

蘿北直隸廳同知 駐托蘿山北即擬添設

烏雲直隸廳通判 駐烏雲河擬緩設

車陸直隸廳通判 駐車陸擬緩設

春源直隸廳通判 駐伊春呼蘭河源擬緩設

鶴岡縣知縣 駐鶴立岡即擬添設

以上歸興東道管轄

龍江府知府 以黑水廳同知改即擬改設

林甸縣知縣 駐大林家甸即擬添設

嫩江府知府 駐黑爾根即擬添設

諾敏縣知縣 駐諾敏河擬緩設

海倫府知府 以海倫廳同知改即擬改設

通北縣知縣 駐通肯河北擬緩設

鐵驢縣知縣 駐鐵山包擬緩設

訥河直隸廳同知 駐東布特哈擬緩設